



Yawg Paj cai vwj sawv xov khawm
Xyoo 1919 mus txog xyoo 1921
nyob los tsuas sab qaum teb yog
dab tsi ? yog vim raug txoj kev
quab yuam ntawm nplog thiab cob
tsib nyab laj nkaus nkaus xwb.
= nej soj qab ntsuam xyuas paj cai
lub neej mus ntxiv tom ntej no.

koom haum hmoob kab lis kev cai

Major. Tougeu leepal

O.1.c - Hmong Language - Book Materials /...
Hmong Cultural Center



1301780

Yawg Paj Cai Vwj Sawv Xov Khawm Xyoo...

Major. Tougeu leepalao.

= **Education:** 1950 Lao grade school certificate phone-savanh province xieng khouang laos.

= 1953 special guerrilla unit and parachute training camp cap saint Jacque province Saigon south Vietnam.

= 1960 French grade school certificate xiengkhouang laos.

= 1963 military cadet school phakhao laos trained to be a military officer.

= 1966 training in general long cheng laos acted as a technical training staff at long cheng ste 20. A.

= **Experience:**

= 1964 Commander in chief. Ban Na Laos. Acted as a coordinator for Zone. 2 A. site 15.

= 1966 commander in chief saneune laos acted as a coordinator to manage Zone . 12 B. site 184.

= 1967 chief of training moug cha Laos. responsible for training guerrilla unit and B.O.C. troops at site 113 training camp.

= 1969 Assistant Director trainer and commander in chief Long cheng Laos. responsible for training and Directing. S.G.U. B.O.C. and MTT. troops at Long cheng training camp center.

= 1971-75 Commander in chief at Samthong Laos. managed and Director the B.O.C. for site 20.

= 1992 present Cultural instructor Hmong cultural center St Paul, MN 55104 teach Hmong cultural, history and language adolescent And adults and provide cultural counseling to Hmong community

Reference: Available upon request.

My last military RANK in the us-Lao Army was MAJOR (commandant).

References: American.C.I.A.whose I had worke with At the training camp were.

1-. Mr. Thorn

2-. Mr. BoB. G.

3-. Mr. Pat

4-. Mr. Paul.


5-. Mr. Pite.

1

Tsov rog " paj cai vwj " tau tshwm sim nyob teb chaws los tsuas xyoo 1919-1921

= zaj 1 pab me nyuam dev

=Paj cai vwj yug nyob moos theeb puab yib teb, nws tau thoj nam los nyob lub zos coos civ coos cas lub xeev moos loob, lub nroog moos vaij nws tau yuav yawg phias cas tus ntxhais ua poj niam, nws los nrog nws tus txiv ntxawm hu ua " xauv tswb vwj " nyob, tau 2 xyoos muaj ib tug me nyuam, muaj ib hnuab nws thiab nws poj niam tau sib Cav nws tau puag tus me nyuam tawm mus sab nraum zoov, nws



Tau qw ib suab nrov nrov hais tias: ntuj e! yog vim tus dab tsi es kuv poj niam thiaj ua rau kuv tu siab tas npaum li no nws tseem hais ntxiv tias: lub ntuj, lub teb ua li cas kuv lub siab yuav kub cuag li hluav taws txhiab xwb? Thaum ntawd xauv tswb 3 tug me nyuam dev mos txawm teb tias: Paj cai Koj yog ib tug ntuj tso los pab txhawb, saib xyuas pej xeem Huab hwm, peb tshaib plab heev, tsis tau mis noj, tus tswv kuj tsis pub mov rau peb noj thiaj yog li peb thov koj pub mov rau peb noj puas tau? Paj cai xuas tes mus phlws 3 tug me nyuam dev tas, nws thiaj los nqa mov mus pub rau noj. Thaum lawv noj tas lawm lawv thiaj hais rau paj cai tias: koj yog tus neeg siab zoo, koj pub mov rau peb noj tas Koj rov mus nyob hauv tsev mog, yuav muaj ib tug neeg los tos koj mus nrog lawv sab laj hauj lwm teb chaws, peb ua koj tsaug. Paj cai quaj kua muag poob ntag rau cov me nyuam dev ntawd, ces nws thiaj nqa hlo nws tus me nyuam los tso rau hauv tsev raws li cov me nyuam dev qhia.


Tsov rog "paj cai vwj" tau tshwm sim nyob teb chaws los tsuas xyoo 1919-1921




= zaj 1 pab me nyuam dev

Zaj 2 paj cai mus ntsib ib tug neeg.

Paj cai rov los txog ntawm qhov rooj, muaj ib nthwv cua txias tib ntsawg raug kiag paj cai, thaum ntawd paj cai pom kiag ib tug neeg cab ib tug txiv nees dawb zoo nkauj heev los ntsib nws, tus neeg cab nees los ntawd tau hais rau nws tias: Paj cai niam txiv tau hais tias luag tau tso koj nqis los nyob ntiaj teb no, kom koj yuav tau qhuab qhia tib neeg Kom lawv paub kev cai xws li kev nyiam huv, kev noj haus Kev paub tab txawj sib hwm, kev teev hawm lub ntuj, lub teb.




Yog li ntawd luag thiaj kom kuv koj tus nees no los tos koj mus ntsib luag, mas koj yuav tau caij tus nees no nrog kuv mus ntsib luag, vim niam txiv tswv ntuj yuav muab ib txoj hauj lwm tseem ceeb rau koj rov los qhuab qhia noob neej nyob lub ntiaj teb no ntxiv mus. Paj cai teb hais tias: kuv tsis mus ! kuv yog ib tug me nyuam neeg xwb mus tsis tau Tus neeg ntawd hais tias: koj tsis mus los tseg ! thaum ntawd muaj ib nthwv cua txias tib ntsawg ua paj cai looj hlias, ib pliag ntshis nws xeev hlo rov los, paj cai thiaj pom Ib tug neeg txawv xem khiav los mus hla ntawm nws xub ntiag zoo nkaus li ib phab tsua, muaj 2 tug tsov zaum ntawm lub qhov tsua, ces tus nees txawm khiav mus nkag kias rau hauv lub qhov tsua, thaum mus txog hauv lawm pom ib lub tsev loj vov vuas luaj zoo nkauj kawg, Paj cai pom 6 tus neeg zaum tos nws, muaj ib lub rooj saum rooj muaj ntawv pawg lug, 6 tus neeg pom Paj cai lawv thiaj hu hais tias: koj los zaum ntawm no nrog peb ua ke, tus hlob yuav muab hauj lwm rau koj ua ! Paj cai mus zaum nrog lawv ntev kwv yees li 1 teev. Paj cai thiaj nug tias: nej muaj num dab tsi xav hais rau kuv ?



Zaj 3 hais txog 3 tug neeg txawv xem.

Ces lawv txawm teb hais tias: ua siab ntev tos me ntsis!
 Tam sim no luag tseem tsis tau khoom ! ib pliag luag yuav
 los ntsib koj xwb ! Paj cai thiaj ua siab tos tau kwv yees li
 20 feeb (20 minutes) txawm pom ib tug neeg nqis them
 saum los, tus neeg no nws loj, siab, muaj cag nroo, nws tig
 los ntsia pom Paj cai nws txawm hu hais tias: koj twb tuaj
 txog lawm lo Paj cai ! thaum ub koj nrog kuv nyob, kuv
 tau tso koj nqis mus qhuab qhia noob neej nyob ntiaj teb,
 tab sis koj tsis tau qhia ib yam dab tsi rau noob neej kiag



Yog li ntawd kuv thiaj kom lawv koj koj tuaj ntsib kuv ib zaug ntxiv kuv yuav muab hauj lwm rau koj ua xws li :
Noob neej nyob ntiaj teb no zoo li haiv neeg hmoob tseem tsis tau paub kev noj qab nyob huv si, hmoob tseem nyob rau txoj kev vuab tsuab, niam txiv tsis paub qhia me nyuam Me nyuam tsis mloog niam txiv lus, haiv neeg hmoob: noj haus, mus, los, hais lus, kev teev hawm ntau yam ua tsis muaj fij xws, tsis paub kev ncaj ncees, tsis paub sib hwm Hmoob thiaj tau txoj kev txom nyem mus tas li.

- yog li xav kom hmoob muaj hwj chim, ua lub neej nyob kaj siab lug hauv lub ntiaj teb no, thiaj tso koj los qhia ! Paj cai teb hais tias: ntshai kuv mus hais tsam lawv tsis mloog, qhov zoo mas koj tso lwm tus mus qhia lawv yuav zoo dua! Tus neeg ntawd teb tias: koj tsis mus los tsis ua cas ! kuv mam muab ntim dej no rau koj ib pliag koj nrog lawv caij tus nees no ya mus txog ib nta ntuj, koj muab ntim dej no npuav tsuag rau 4 ceg kaum ntuj xwb.

= Paj cai tau ntsib tus neeg zoo li no tas, ces luag muab tau ib rab phom nrog 13 lub mos txwv rau Paj cai , 3 phau ntawv nrog cwj mem rau nws, ces Paj cai txawm rov qab los tsev, thaum nws los txog tsev lawm txawm zoo li ua npau suav, Paj cai txawm caij tus nees ya mus saum ib nta ntuj ces nws txawm muab ntim dej tsuag kiag rau 4 ceg kaum ntuj raws li tus neeg tau qhia nws ntawd tas ces thiaj li nqis rov tsev. Thaum Paj cai los txog hauv tsev, nws poj niam thiaj hais tias: kuv thov koj zam lub txim rau kuv mog vim kuv tau ua txhaum rau koj lawm, thiab tau ua rau koj tu siab nrho es koj thiaj tau khiav mus tau ib hnuv, ib hmos zoo li no, txij no mus kuv tsis cem koj lawm mog

Paj cai poj niam rov nug ib zaug tias: koj mus qhov twg lawm tiag ? Paj cai teb tias: kuv mus hauj lwm sab nraud me ntsis xwb, tsis yog kuv khiav koj, txhob poob siab.

Zaj 4 paj cai muab xov paj ua foob pob.

Ze hmoob lub tsiab peb caug, paj cai tus txiv ntxawm tua ib tug npua noj tsiab, nws tau caw suav daws tuaj nrog nws noj tsiab, ib tsoom kev txwj laus neeg tuaj txhij, Paj cai muab xov paj coj los khi ua ib pob ceev ceev luaj ntiv taw xoo ces nws muab pov mus deb li 6 daj, pob xov paj tawg nrov nroo ntwc cuag xob quaj, ua rau ib zeej tsoom laus neeg ceeb tag nrho, ua rau av qawj qees txaus ib tug npua pw , ibTsoom laus neeg thiaj kom Paj cai rov qab ua dua ib zaug Paj cai thiaj rov ua zoo li qub, nws kuj tawg nrov nroo ntwc . Zaj no Paj cai tsis tau qhia suav daws paub qhov tseeb, xyov yog Paj cai ua khawv koob dab tsi tiag.




Zaj 5 paub sau ntawv thiab nyeem tau.

Muaj ib hnub 4 tug pej xeem nyob lub zos moos vaj xws li: 1/-txhiaj kuam yaj, 2/-phias cas vaj 3/- xaiv tub lauj 4/-vaj txoov kav lawv tau sau ib tsab ntawv tuaj rau paj ca ua cas paj cai kuj nyeem tau tib si, lawv 4 tug no thiaj li tshuab rau ib zeej tsoom pej xeem hais tias: Paj cai yog ib tug ntuj tso los qhia kev ncaj ncees, kev teev hawm, kev no haus, kev ua nom tswv tas puas tsav yam rau haiv neeg hmoob nyob rau txheej tiam no, ua kom hmoob muaj mee mom, hwj chim noj qab nyob zoo xws li luag lwm haiv neeg, yog li kom tsoom hmoob npaj teev hawm ntuj.



Zaj 6 ib lub tsev zais ntshis tsis pub neeg paub.

Muaj ib hnuv Paj cai tus txiv ntxawm tau hais tias: neeg nplog saib tsis taus peb haiv hmoob, peb raug kev quab yuam ntau yam, koj yog ib tug muaj hwj huaj loj heev, koj Tshuab rau ib tsoom pej xeem sib pab txeeb kom tau ib thaj av ua peb hmoob tug. Paj cai teb tias: ntuj tso kuv los luag tsis tau qhia kom kuv los ua tsov rog, suav daws yuav tau ua lub siab ntev, ib hnuv tom ntej no yuav muaj neeg nqis los qhia suav daws, yog li tsis txhob maj mus qhia nom qhia tswv paub, Paj cai hais li no xwb, ces nkawd ob txiv tub sib thaj tau ib tag hmo qaub qua thawj tsig mam tsum. - txij li hnuv ntawd mus ces Paj cai txawm hais rau cov ntseeg nws kom tshuab rau niam, txiv pej xeem huab hwm kom tuaj ua ib lub tsev teev hawm ntuj thiab tsev teej kawm ntawv thiab tsa nom, tsa tswv sawv muaj li no:



- 1/- tsa txiaj kuam yaj ua: yaj tsawb zeb
 2/- tsa ib yawg hmoob lauj: ua lauj tuam thajj.
 3/- tsa ib yawg hmoob vaj: ua vaj tuam theeb.
 4/- tsa phes cas vaj: ua vaj xeeb zeb
 5/- tsa nom yis lis: ua lis thoob tswb
 cov tau tsa no yog Paj cai cov nom yau ntawm nws xub
 ntiag kom suav daws muaj num ua txhua tus.

= thaum suav daws sib tham hauj lwm tag lawm, ces txawm muaj ib lub thawv ntoo nyob sab nraum qhov rooj tag muab xov hlau khi khov kho, muaj ib phau ntawv nyob ntawm lub thawv ntoo thiab, ces Paj cai hais tias: lub thawv no yog ntuj tso los, muaj hwj huaj nyob hauv, txhob maj qhib, Paj cai coj lawv tawm mus yos ua si lawm, ces nws tus txiv ntxawm xauv tswb vwj txawm muab qhib saib, ua cas pom ib thawv kooj txig puv nkaus, cov kooj tawm ya puv tsev nkaus, thaum ntawd Paj cai pom ces yawg thiaj qw ib suab nrov nrov hais tias: aub ! suav daws xav tau lub teb chaws nyob, yog vim li cas thiaj nyaj nyiaj nyeem tsis tau, yog nej ua li no ces tswv ntuj yuav pab tsis tau peb haiv hmoob lawm, ua cas ua yam twg tsis nug qab, nug hauv li. Thaum no thiaj ua rau suav daws ceeb tas tus.


Lub caij uas Paj cai ua tsov rog



Zaj 7 tsob ntoo hwj chim cuaj ceg.


Yawg Paj cai tau txib nws pawg ntseeg mus khawb ib tsob ntoo kom muaj 9 ceg coj los cog rau ntawm ze nws lub qhov rooj tag siab txij ru tsev, thaum twg Paj cai yuav mus cuag tswg ntuj yuav nce tsob ntoo mus xwb, thaum rov qab yuav tsum rov saum tsob ntoo nqis los xwb.

=Zaj no kuj ua rau niam txiv pej xeem tau ntseeg hais tias: Paj cai mus cuag tau tswv ntuj lawm tiag



Zaj 8 kev teev hawm ntuj.

Paj cai tus txiv ntxawm tau hais tias: peb haiv hmoob tau raug kev quab yuam ua qhev hnyav kawg nkaus los ntawm tus cob moos **vaij** thiab tus cob moos **HwvOb** tug nom no tau yuam peb haiv hmoob mus ua liaj Ua teb rau nws tsis them nqi dag zog li, tsis tas li ntawd tus toj xeeb los kuj yuam peb mus ua liaj ua teb rau nws ib yam nkaus. Zaum no koj yog ib tug muaj hwj huaj loj lawm, koj yuav tsum pab peb haiv neeg hmoob, peb yuav sawv xov khawm ntaus txeeb kom tau ib thaj av ua peb hmoob ntiag tug xwb. Ces paj cai txawm sawv mus hlawv xyab, hlawv ntawv hu txog tus tswv ntuj, tswv teb, poj koob, yawm txwv, tim Tswv teb chaws kom nqis los pab ntiaj teb me nyuam Hmoob tiam no. Paj cai cov lus hais mus li nram no.




12

txheev com txheev leej, vam com vam leej, txheev tom faj tim txaim pem ceeb, lij lim txaim thoob theeb tuam tshoj tim lwm, lwm tshoj theeb, tuam tswb tshoj lwm tswb peeb, xyuam laij txum vim, txum luaj av niaj peb tshim, los pab kom peb me nyuam hmoob tau lub chaw nrog luag ua lim. Txheev tom faj tim txaim pem ceeb lij lim txaim thoob theeb, tuam tshoj tim lwm lwm tshoj theeb, tuam tswb tshoj, lwm tswb peeb xyuam laij txum vim txum luaj av niaj peb tshim tob, nqis los pab kom peb me nyuam hmoob tau lub chaw nrog luag nyob. Paj cai hu li no tas ces tsuag dej rau suav daws.

13


Zaj 9 txoj kev sib ntaus, sib tua zaum 1

Paj cai hais rau tus txiv ntxawm hais tias: ua siab txias txias tsis txhob maj dhau, maj mam ua zais ntshis mus kom txog Rau (6) xyoo, lub ntiaj teb yuav muaj kev hloov tig los rau Peb hmoob. Paj cai tus txiv ntxawm teb tias: nplog quab yuam peb dhau lawm, koj twb muaj hwj huaj zoo heev lawm peb cia li ntaus kom tau kiag xwb tsis ntshai li. -thaum no muaj ib tug hmoob thiaj mus tawg qhia rau nom fab kis nyob moos vaij, luag thiaj xa tub rog tuaj tua hmoob ib nplua hnyav hauj sim, tab sis hmoob tsis swb.




Zaj 10 hais txog tuam phom hmoob

=thaum no Paj cai thiaj mus kom yawg hmoob nkaub xab ua tau ib rab phom loj, rab phom no tua ib phom mas ntim tau li rau (6) lag tshuaj phom hmoob thiab 35 lub mos txwv, muab cob rau ib tug hmoob hu ua “ lwm “ ua tus tualawv mus tos kev cov tub rog nplog thiab nyab laj tuaj ua kev zawv, “ lwm “ tua ib phom xwb mas tuag li 15- 20 leej
thaum no hmoob thiaj ua rog tau 2 xyoos txwm nkaus.



Zaj 11 tub rog ntaus moos theeb, Hwv

=xyoo thij 3 **Paj cai** tau xa tub rog mus ntaus moos vajj, ntaus npam xem, ntaus xoob xam taug tus dej naj xees tsis tas li. **Paj cai** tseem xa tub rog ntaus lub moos hwv uas muaj ciam teb txuas rau moos theeb uas yog puab yib teb, lub yeej moos hwv no muaj 4 tug fab kis nyob hauv, tab sis nws khiav dim lawm, thaum lawv nkag mus txeeb tau lub yeej no, Paj cai cov tub rog nce mus txog saum lub roob dawm cua taug mus rau roob tsov zaum, muaj ib tsob txiv puaj kaum, lawv muab los tsoo tsau dej haus thiaj ua rau lawv mob plab tuag ntau tus. Vaj tuam thaj thiaj coj nws pab tub rog ntaus nkag kiag mus txeeb tau lub moos Hwv



Thaum vaj tuam thajj mus txeeb tau lub moos no, tsis pom ib tug txiv neej los zeem tsam li, tsuas pom cov poj niam los coob tus tsa tes thov hais tias: peb thov los nyoo ua koj Pej xeem, thov koj txhob tua peb xwb. Thaum no vaj tuam thajj txawm tso lus rau nws cov tub rog kom muab cov poj niam coob tus deev ua dev, ua npua, muaj ib tug tub rog hu ua. Teeb xyooj nws muab cov poj niam deev tas, nws xuas riam nkaug qhov chaw mos, muab phais plab ti nkaus lub tsev me nyuam nws thiaj pom hais tias: muaj ob lub tsev me nyuam xws li: lub sab laug yog me tub, lub sab xis yog me ntxhais, tsis tas li ntawd lawv tseem mus huab tau nyiaj ntau heev, tab sis Vaj tuam thajj txwv tuag nti tsis pub leej twg qhia Paj cai paub li



Zaj 12 ntaj raug Paj cai xub pwg to.

txhua txhua zaus Paj cai yuav xa tub rog mus ntaus cuam mas nws hu suav daws los txhij txhua, nws hlawv xyab hu ntuj ncig nws tus chij tas ces nws txawm muab nws rab ntaj cev rau tus tuam thawj tub rog kom muab rab ntaj txiav nws xub pwg, txhua txhia zaus mas txiav yeej tsis to li, cov tub rog mus tua npluav twg yeej tsis tuag ib tug kiag. Muaj ib hnuv cov tub rog tau hais los tias: hnuv no fab kis tau coj tub rog 3 pawg tuaj puav peb lawm, ces Paj cai txawm los teev hawm thov tswv ntuj, tswv teb pab pov hwm, thaum yawg Paj cai hu ntuj tas, ces nws txawm muab nws rab ntaj cev rau tus thawj tub rog kom txiav nws xub pwg li txhia zaus, ces tus thawj tub rog txiav ib riag rau xwb ua cas pom ntshav si laws liab vog, ces Paj cai quaj ib suab nrov hais tias: nej mus ua tsov, ua rog ua cas nej yuav ua poob ntsej muag rau lub ntuj daim av ntau npaum li no, yuav ua rau kuv tsis muaj ntsej muag yuav ntsiaj lub ntuj daim av lawm



16

Nej mas tsis mloog lus kiag, yog leej twg ? tus mus ua kev Txhaum rau tswv ntuj lawm, yog nws mus ua li cas ? thaum ntawd yawg lis tuam thajj thiaj li los hais Tias:aub!!! Thov tswv ntuj, tswv teb zam lub txim lauj !! yog zaum uas Vaj tuam thajj mus ntaus lub moos **Hwv** mas nws tau tso lus rau nws cov tub rog muab cov poj niam deev ywj siab Thaum muab deev tas lawd tseem muaj ib yawg muab tus poj niam tua tuag mam xuas riam los phais nram qhov chaw mos mus ti nkaus rau hauv lub tsev me nyuam mos nyob, tseem ua rau nws tau pom thiab paub ntau yam nyob Hauv poj niam qhov chaw xeeb tub, xeeb ntxhais huv si Yog li mas thov tswv ntuj zam lub txim rau peb, yog hais tias tswv ntuj, tswv teb zam tsis taus lub txim rau peb lawm no ces peb tsuas thov tso riam phom tseg tsis ua rog lawm



Thaum no Paj cai thiaj cem hais tias: Vaj tuam thajj yog tus neeg siab tsis ncaj, tsis ncees rau lub ntuj daim av, yog li txawm ua mus los lub ntuj yuav tsis pab lawm, nej suav daws cia li sau riam, sau phom coj mus cob rau nom fab kis kiag xwb, fab kis thiaj yuav tsis tua nej pov tseg.

= Vaj tuam thajj txawm hais tias: txoj hauj lwm zoo li no xwb, peb twb tsis tau nrog nws sib ntaus ib zaug, peb cia li mus zeem nyoo nws mas tsis tsim nyog kiag, yuav tsum ntaus mus xwb. Thaum ntaus tsis yeej lawm mam li nyoo nws, yav dhau los ntaus zaum twg peb twb yeej xwb, thov yawg hlob Paj cai ua lub siab ntev, txhob maj mus nyoo nws, txoj hauj lwm no tso rau kuv ua tus tiv thaiv kiag.

Ces Paj cai teb tias: 3000 tus tub rog no muab cob rau koj hos cov neeg ua qav, ua num nrog kuv no mas yuav tsum muab riam phom coj mus cob rau luag hnuv no, vim hnuv no yog hnuv kawg lawm. Ces Paj cai txawm kom nws cov Nrog nws sau cov phom tag nrho xa mus rau yawg toj xeem raws li Paj cai lo lus tau hais ntawd



Txij li ntawd ces vaj tuam thaj txawm coj cov tub rog mus ntaus fab kis, vaj tuam thaj siv rab phom loj mus tua ib phom tub rog fab kis tuag 4 leeg, ces vaj tuam thaj hle hlo tsho muab tus chij kwv kiag thov ntuj qw ib suab nrov heev ces tub rog fab kis thaj li tua ib phom tuaj raug kiag vaj tuam thaj hauv siab ua rau yawg tuag kiag, tam sim ntawd Yawg nkias xauv thoj dhia plaws los tsawv nkaus tus chij thov ntuj kom ntuj pab ces cov tub rog ob tog sib tua ib nplua ua rau yawg vaj tuam thaj cov tub rog tuag kiag 14 leeg, thaum pom zoo li no lawd ces cov tub rog hmoob cia li xuas kev khiav ua sab, ua sua lawm tas.

=thaum Paj cai cov tub txib coj riam phom mus cob rau fab kis tas, nom fab kis hais tias: nej swb lawm nej tuaj nyoo los zoo kawg, tab sis peb xav kom Paj cai tuaj ntsib peb kiag mas peb thaj yuav zoo siab.




Lub sij hawm tus toj xeem mus nrog fab kis sib tham
tas lawd, nws rov los hais rau Paj cai mloog tas ces
Paj cai txawm hais tias: yog luag swb yus luag yuav
tsum tuaj nyoo yus, yog yus swb luag yus yuav tsum
mus nyoo luag thiaj yog txoj cai ua tsov rog tiag tiag
Yog li no mas kuv yuav tsum mus nyoo xwb thiaj
yog, thaum Paj cai yuav mus tiag, ces nws poj niam
thiab tus txiv ntxawm xauv tswb mus nkaus hlo yawg
Tes tuav rawv tsis pub mus, nkawd thiaj coj Paj cai
mus nkaum tim hav zoov loj ze ntug kev.




Zaj 13 tus neeg tuaj ntuas Paj cai

Ib tsoom hmoob mus nyoo fab kis tas, teb chaws tus lawm, muaj ib hnuv muaj ib tug neeg tsis paub npe txawm los hais lus qhuab ntuas Paj cai thiab tsoom pej xeem hais tias: nej yuav ua tsov rog txeeb ciam dej, ciam av dab tsi ? nej twb tsis muaj noj, tsis muaj haus, tsis muaj leej twg pab riam phom rau nej.

Lub hauv paus tswv ntuj tsis tau yuav npaj kom nej ua tsov rog ntaus txeeb ciam dej, ciam av li no, tswv ntuj qhia kom nej txawj, ntse paub kev cai ua neeg Nyob kom muaj fij xws xwb, nej yuav tsum tseg Txhob lam mus ua tej yam luag tsis tau tso cai rau yus zoo li no ntxiv mus ib zaug mog. Thaum nws ntuas suav daws tas ces xyov nws ploj dua qhov twg lawm tsis muaj leej twg yuav pom paub li.





Zaj 19 Paj cai raug tua tuag lawm.


Paj cai raug xa mus zais nyob rau ib lub hav zoov loj ze ib daim teb li tau piav dhau los lawd, muaj ib hnuv Paj cai tau hais rau nws tus yawm yij npe hu ua nkaj suav vaj uas yog xauv tswb tus vauv hais tias: peb yug los ua kwv tij nus vauv ib zaug xwb peb kev sib hlub muaj ntau yam, yog li kom nws tuaj xyuas kuv ib hmos, tshuav li 4 hnuv xwb ces luag yuav xa neeg tuaj tua kuv, thaum tus yawm yij tau hnov li no nws thiaj mus nrog Paj cai tham ib hmos, thaum nws yuav rov los tsev nws thiaj li ua Paj cai tsaug, Paj cai thiaj qhia tias: yawm yij koj mus koj nug kuv moo mog tshuav li 3 hnuv xwb ces luag tuaj tua kuv lawm mog

Yog hais tias kuv tsis tuag ces kev txhov siab ntawm
 peb haiv hmoob yuav tsis tas, yog li ntawd kuv yuav
 tsum tuag mus them peb haiv hmoob tej kev
 txhaumUas peb hmoob tau txhaum ntau tsav,ntau
 yam rau hauv lub ntiaj teb no kom tag mus thiaj yuav
 zoo ,vim Neeg ntiaj teb nplooj siab tsis ncaj ncees
 kiag, kuv mas tau txais kev txaj muag kawg nkaus
 rau lub ntujCes tus yawm yij thiaj rov los tsev lawm. Paj
 cai hais rau nws poj niam tias: koj mus tsev koj muab koj
 txaum cawv cub thiab tua 2 tug lau qaib sis hau kom siav
 koj tuaj rau kuv noj haus thaum sawv ntxov, yog koj ua tau
 lig lawm no koj txhob tuaj mog. Koj tos neeg kis koj mam
 li tuaj, yog koj tuaj txog tom ib tog kev hos ntuj tsaus nti
 cua hlob nplawm ntws no ces yog luag tua kuv tuag lawm
 koj txhob nqa cawv,mov tuaj lawm mog, koj rov qab mus
 thov kwv tij tuaj kwv kuv lub cev mus cia rau pem qaum
 tsev ib hmos txhob maj muab kuv faus, txhob quaj,txhob
 tua tsiaj hmo ntawd yuav muaj tsiaj qus los khawb ib lub
 qhov rau qhov twg mam muab kuv faus rau lub ntawd. Paj
 cai hais li ntawd tas ces nws poj niam mam rov qab los tsev
 lawm. Tag kis nws poj niam cub tau cawv thiab tua qaib
 hau siav tas ces twb lig lig lawm, nws mus txog tom ib tog
 kev txawm muaj cua hlob nrog nag tiag, nws poj niam thiaj
 rov qab los thov cov kwj tij neej tsa nrog nws mus,thaum
 mus txog, Paj cai twb tuag lawm luag muab Paj cai txiav
 caj dab nqa mus lawm. Cov neeg uas fab kis ntiav tuaj tua
 paj cai zaum no muaj 5 leeg nyob hauv muaj ib tug yog
 hmoob npe hu ua qhua kuam lawv tau txiav paj cai lub
 taub hau nqa nrog lawv mus lawm tseg yav cev xwb

Zaj 20 Paj cai lub ntees.

Ib tsoom kwv tij neej tsa tau mus kwv Paj cai coj los pam ua raws nraim li paj cai tau hais tseg txhua tsav txhua yam. Hmo pam Paj cai ntawd muaj ib tug tsov thiab ib tug kauv los sib twv quaj ib hmos kaj ntug, tag kis suav daws mam mus xyuas, pom khawb tau ib lub qhov tseg, tus tsov khawb tog taub hau tob li ib tshim, tus kauv khawb tog taw tob li ib yag npab, tsoom kwv tij thiaj muab paj cai coj mus faus rau qhov chaw li tau hais los no.

= yog ua zoo xav mas Paj cai yog ib tug neeg muaj pluaj siab hlub tshua yus haiv neeg hmoob, tsis tas li nws thiaj sawv tiv thaiv thov txoj kev vaj huam sib luag los rau peb haiv hmoob xwb.



Zaj 21 pab neeg tuaj tua Paj cai.

= cov neeg tuaj tua Paj cai ntawd, lawv tau txiav yawg Paj cai lub taub hau nqa mus txog nram hav dej ntuj los nag hlob heev ua rau dej huam loj lawv hla tsis tau, lawv thiaj txiav xyooob los ua phuaj, lawv muab Paj cai lub tau hau khi khov kho ruaj nrees lawv mam li nquam lub phuaj mus txog nruab nrab dej, ces Paj cai lub taub hau txawm plam plaws poob kiag rau havv dej lawm, lawv tshawb nrhiav tau peb hnub thiaj pom lub hnab khuam ntawm tus ceg cav lawv muab tau coj los qhib xyuas pom tias tsis yog Paj cai lub taub hau, vim tias Paj cai yog neeg tsis tuaj hwj txwv, lub taub hau ntawd ho tuaj hwj txwv thiab zoo nkaus li tus hmoob uas npe hu ua qhua kuam uas nws tau coj 4 tug nplog mus tua Paj cai .



Lawv tsis paub xyov yog li cas, lawv lam nqa lub taub hau ntawd coj los rau fab kis nyob xeev moos vaij, coj mus txog nom fab kis muab saib xyuas luag hais tias: lub no tsis yog Paj cai, vim Paj cai tsis muaj hwj txwv, peb twb pom Paj cai lawm, nej lam mus tua neeg coj los dag yuav nyiaj xwb, cov neeg mus tua Paj cai no fab kis ntiav ib tug yog 500 puas kis nyiaj Txiaj kis laus, thaum no lawv cov no thiaj los tsa tes hais tias: lub taub hau no yeej yog Paj cai lub tiag tiag lawv tsis lam dag, yog fab kis tsis ntseeg kom tso neeg rov mus xyuas, thaum no fab kis thiaj hais tias: Peb ntseeg nej thiab them nyiaj rau nej ib tug 250 kis Yog peb nug mus paub tseeb tias Paj cai tuag lawm tiag no mam li them ntxiv ib tug, 250 kis rov rau nej =lawv tau txais nyiaj tas ces lawv thiaj li rov mus tsev, lawv mus txog lub zos npab nas txoj kev yuav nce mus rau roob phwv huam suav teb, qhua kuam cia li ntog ib teeg nrig nphau ntsos dua nram qab kev lawm, ces muaj ob tug hmoob nrog lawv mus thiab ob tug hmoob thiaj mus rub nqa qhua kuam tawm los rau ntawm txoj kev, ua cas qhua kuam tsis muaj taub hau lawm, lawv thiaj mus hu qhua kuam cov kwv tij tuaj muab qhua kuam faus rau tom hav zoov xwb. =qhua kuam cov kwv tij sab laj yuav ua plaub rau nplog, tab sis muaj ib txhia hais tias: qhua kuam siab tsis ncaj rau hmoob, nws rov taw tuam ntuj, nws coj nplog kev mus tua Paj cai cia nws tuag nws mus.

Zaj 22 lub caij Paj cai sawv ua rog.

Lub laj sim kob uas Yawg Paj cai tau sawv ua ib ntsug rog txeeb kev vaj huam sib luag nyob teb chaws los tsuas ntawd, muaj ib tug ntxhais hmoob lub npe hu ua nkauj mim no, nws txawj sau ntawv thiab hais lus leej kawg, mus tua rog npluav twg mas nkauj mim yog tus ua ntej loo ntawm tsoom tub rog nkauj mim muaj ib tug chij ntaub dawb, thaum twg luag tua phom tuaj mas nkauj mim siv tus chij no ntxuaj kom mos txwv txhob raug cov tug rog. Txhua txhia zaus ib tsoom tub rog mus los puav leej nyob zoo tsis raug ploj tuag li, nkauj mim mus zaum twg luag yeej swb, hais tau tias: nkauj mim muaj hwj huaj zoo heev rau feem ua tsov rog kawg kiag.



Muaj ib zaug Fab kis koj tub rog tuaj puav nkauj mim
 Ua 3 pab puav tuaj xws li: nce taug tus dej naj xees
 tuaj ib pab. Pab 2 tuaj sab nyab laj teb tuaj. Pab 3
 tuaj tom moos vaij tuaj, pab tub rog fab kis uas tuaj
 moos vaij tuaj ntawd, thaum tuaj txog ntawm tus dej
 naj npoob, lawv yuav nce lub roob siab thiab ntxhab
 heev, nkauj mim thiaj kom nws cov tub rog mus txo
 lub txaj zeb loj ntog mus ntaus fab kis cov tub rog
 tuag lawm ib pawg pua muaj 64 leeg. Fab kis thiaj li
 kom cov tub rog fab kis thim rov qab mus rau moos
 vaij. Tshuav 2 pawg li tau hais los no, nkauj mim
 tau kom nws cov tub rog mus puav tua, lawv txeeb
 tau cuab yeej ua rog ntau yam, tsis tas li tseem khaws
 tau 2 hnab nyiaj muaj \$ 120 kis txiaj kis laus, Paj
 cai txawm tuag lawm los fab kis thiab nplog tseem
 ntshai nkauj mim kawg. Nom fab kis ntiav tau ob tug
 hmoob thiab 12 leej nyab laj tuaj mus ntxias nkauj
 mim, qhov kawg ob tug hmoob ntxias tau nkauj mim
 Mus txog nram tus dej naj xuas, lawv thiaj muab
 nkauj mim tua 6 phom nws tseem tsis tuag, lawv
 xuas hmuv xyoob nkaug lub qhov quav lwj tag nws
 thiaj li tuag. Thaum nkauj mim yuav tuag nkauj mim
 tau hais tias: thov lub ntuj, lub teb, tim tswv teb chaws
 Txoov kab yeeb ntuj nqis los txais nkauj mim txoj sia
 koj mus kom raws tau Paj cai qab, thaum hais li no
 tas ces nkauj mim txoj siav tu nrho lawm xwb.


Zaj 23 Paj cai cov lus tau hais tseg.

Thaum Paj cai yuav tuag nws tau hais tseg rau nws poj niam hais tias: tswv ntuj muab tau ib co ntawv rau kuv, koj ua zoo khaws tseg, txhob maj qhib xyuas thaum twg Paj cai tuag tau 35 xyoos lawd mam li qhib, thaum qhib tas lawm mas yuav pom ntuj los nag, yog los nag liab no ces hmoob ua luag qhev tas li, yog los nag dawb no ces hmoob tseem yuav sawv Ciaj ib haiv neeg vam meej muaj hwj chim loj thiab Kom suav ntsoov, Paj cai tuag puv yees 50 xyoo twg ces nws yuav sawv rov los muaj meej mom ib zaug ntxiv nyob rau haiv neeg hmoob lub neej.




Paj cai cov lus tau hais tseg

Thaum Paj cai mus nyob tom hav zoo, yawg tau hais rau nws poj niam thiab tsoom hmoob tias: nej nyob zoo mog, yog luag tuaj tua kuv tuag mus ntev li 16 xyoo, nej yuav pom nkoj cua(nyob hoom) ya nruab ntug tuaj yuj saum cov huab, ntiaj teb neeg yuav tau zoo kawg. Yog li paj cai poj niam thiaj cim ntsoov tseg txog ntua xyoo 1932 nws thiaj pom nyob hoom ya tuaj txog teb chaws nplog tiag tiag



Paj cai tau hais tseg hais tias.

Paj cai tau hais tseg hais tias: ib tsoom me tub, me nyuam hmoob tus hlob, tus yau kom nej paub tseg tias: tus tswv ntuj yuav tso neeg nqis los kav txhua txhia nywj keeb neeg luag tau hais tias: tseem tsis tau txog caij, suav daws yuav tau pw tos kom txog 15 tug heev nyuj tso luag mam li nqis los faib ciam dej, ciam av. Yog li luag thiaj tsis tau nqis los Txhua haiv neeg luag muab ntoo los pua pw, hmoob tus ces muab hlau los rau ncoo, thaum txog 15 tug heev nyuj lawm luag lwm haiv neeg tus ces ntoo lwj tag luag sawv mus lawm, hos hmoob tus ces hlau tsis lwj thiaj tseem pw tsis tau sawv mas tseem tshuav li 8 tus heev nyuj ntxiv mam li sawv tau ua nom, ua tswv mus ruaj qoos.



Lub caij uas Paj cai ua tsov rog

Lub sij hawm Paj cai sawv ua tsov rog ntawd, nws muaj tub rog kwv yees li 3000 mus rau 4000 leej xwb, Paj cai cov tub rog mas kom hnav ris tsho xim ntsuab li nplooj ntoos, mas tsis paub hais Paj cai muab qhov twg los rau lawv hnav li. Thaum lawv hnav ris tsho tas thiab kwv phom txhij zog lawm mas Paj cai yuav tsum hu lub ntuj daim av los pab pov hwm txhua txhia tus mas mam li tawm mus sib ntaus sib tua, Paj cai cov thaib ham yeej khoos tas tus li luag tua yeej tsis to kiag li, tab sis vim nws cov thawj Tub rog tsis mloog lus mus ua kev txhaum loj heev lawm ntuj thiaj tsis pab, paj cai thiaj swb rog 1921.







Yawg Paj cai vwj sawv xov khawm
Xyoo 1919 mus txog xyoo 1921
nyob los tsuas sab qaum teb yog
dab tsi ? yog vim raug txoj kev
quab yuam ntawm nplog thiab cob
tsib nyab laj nkaus nkaus xwb.
= nej soj qab ntsuam xyuas paj cai
lub neej mus ntxiv tom ntej no.

koom haum hmoob kab lis kev cai

Major. Tougeu leepalao.



Yawg Paj cai vwj sawv xov khawm
Xyoo 1919 mus txog xyoo 1921
nyob los tsuas sab qaum teb yog
dab tsi ? yog vim raug txoj kev
quab yuam ntawm nplog thiab cob
tsib nyab laj nkaus nkaus xwb.
= nej soj qab ntsuam xyuas paj cai
lub neej mus ntxiv tom ntej no.

koom haum hmoob kab lis kev cai

Major. Tougeu leepalao.